

ԵՐԱԶ

Գիշերն երազում հալածում էին.
Փախչում էի շար թշնամիներից.
Նրանք խառնաձայն հետևում էին...
Դողում էին սիրտս ու ծնկներս ահից:

5 Իմ առջև տեսա ընդարձակ դղյակ
Բարձր պատերով փոքրիկ ծմակում.
Ես այնտեղ մտա... անմարդ ու դատարկ
Այն ավերակը ինձ հույս էր ազդում...

Ձգույշ կուշ եկած, շունչս պահելով
10 Ես դողում էի մահվան սարսափից,
Եվ, զարհուրելի աղաղակներով,
Ձարագործները մոտիկ էին ինձ:

Հանկարծ դղյակի, իմ շուրջ տարածված,
Գերեզմաններից ձայներ դուրս եկան,
15 Իմ հոգուն ծանոթ ձայներ մոռացված...
Եվ ես զորություն առա գերբնական:

Անարգ թաքստից դուրս թռա իսկույն
Որպես վրդոված վագրը դարանից,
Եվ հարձակվեցի ընդդեմ թշնամուն,-
20 Ձենքերի բախում... զարթեցա քնից: